

### 13. UN PECHEUR AVEC SON PETIT FAMILLE

Ti ennan un fois in pecheur qui tine marie et y ti ennan un garcon a lage 18 ans. Sa pecheur tous son l'argent qui y gagne y casiette et son madame ecque son garcon ti rester toujours lafin parceque sa homme ti avare.

Alors un jour sa pecheur y alle la peche et y gagne li 100 roupies. L'heure y arrive cote li y prend son l'argent y cachiette en l'air dans poteau la porte la cuisine. Mais sa pecheur par ti pensee si son garcon tine trouve li. Lendemain pecheur y alle la peche, mais ici derriere li son garcon y prend ca l'argent cote y tine jettez, y mette dans son poche y alle dans bord chemin. Letemps qui y deboute, un bonhomme y passer avec un panier lo son la tete. Ca garcon y demande ecque li "M'sier qui ou vendre dans ou panier?" Sa homme y repondre li en disant "H'mm mon piti ca qui mon vendre dans mon panier ou pas pour capable acheter." Alors ca ti garcons y supplie li pou dire li. Alors ca bonhomme y dire li "Mon p'tit dans mon panier mon vendre un marmite." Piti y dire ecque li "Mais combien." Homme y reponde "Cent roupies". Alors ca p'tit garcon y prend ca marmite, mais a peine qui ca bonhomme y vire son le dos, sa p'tit garcon y magine dans li meme et y dire "Ah mene demande sa tonton qui signifit sa marmite." et y tourner. Un bon moment apres ca bonhomme y vini et sa p'tit garcon y demande avec li qui signifie sa marmite et bonhomme y repondre li (cuir Vider). Petit garcon y aller, leur y tia arrive dans milieu foret, y mette son marmite a terre et y dire avec sa marmite "Cuir Vider". Zotte marmite y cuir tous sortes qualite plats et sa p'tit garcon y manger jusqua son ventre ti plein. Apres y alle cote li. Mais malheur l'heure son papa y arrive y passe son lamain cote son l'argent ti ete y pas trouver. Mais y ti mette ecnore cent roupies, apres y crie son Madame ecque son garcon y demande zotte son l'argent, personne pas ti repondre. Alors bonhomme y battre madame et son garcon y faire zotte dormir dans bois. Mais son lendemain matin maman ecque piti y vini et garcon y prend encore sa cent roupies y ti faire pareille avant. Mais cette fois bonhomme ti vendre li un p'tit baguette qui appele (Mon sa bougue emmarer mon rotain fraiter).

Sa p'tit garçon ti faire pareille mais cette fois sa p'tit rotain ti coupe tous sa bande pied di bois qui ti ennan apres y ti aller. Malheur l'heure son papa ti arrive ti faire zotte dormir dehors encore et y ti mette encore son l'argent dans meme place. Lendemain piti ti prend encore sa cent roupies et y ti faire pareille avant, mais cette fois y ti acheter un p'tit boîte qui appelle "Gros Fourmis jouer p'tit fourmis danser". L'heure tine arrive dans la foret y ti faire pareille son l'habitude. L'heure y guette sa bande fourmis cotte pe danser y ti rier li tout seul. Alors y prens son trois quec choses qui y tine acheter y emmene cotte li, et y ti mettre son maman tous sa qui y tine faire. Alors zotte ti manger jusqu'a qui zotte ventre tine plein. Mais l'heure bonhomme y arriver sa jour soir y demande son l'argent mais cette fois pas maman ecque piti qui pour dormir dehors.

Sa p'tit garçon y mette son rotain a terre et y dire son nom, Zotte ti faire la peine guetter maniere sa bonhomme ti gagner batter, jusqu'a l'heure y tine faible son garçon y dire assez. Sa jour bonhomme ti prend foret et ine mort la bas meme. Jamais ti retourner. Mais un beau jour sa madame y descend en ville, dans son marcher y tender qui le roi pour donne la moitie son fortune et son fille y a va marrier ecque n'importe qui dimonde qui a va faire son fille rier parceque son fille ti toujours en colere.

Alors sa madame ti monte vite cote li et dire sa message avec son garçon: Alors son garçon y dire li "Manman mon pou aller". Alors garçon y dire aurevoir son maman et y ti aller. L'heure y ti arrive en ville, ca meme qui y ti tender cotte y passer, alors y ti alle cotte palais le roi pour li essaye son la chance. Mais cotte palais le roi tine plein avec dimondes qui ti pe essaye banne envites et pas besoin dire qui jeune gens agogo pas ti manquer. Chaqu'un ti pe faire son parment mais nas pas ine jusqu'a le Roi ti en couleur. Mais un serviteur qui ti dehors y voir passer sa garçon qui dire avec li laisse li voir le roi. Alors sa serviteur ti conduire li jusqu'a cotte le Roi. En entrant sa garçon y dire bonjour le roi et tous envites et y cause ecque le roi sa qui y vine faire. Le roi ti bien content pour tendre sa. Alors sa garçon y mette son sac a terre et i tire son trois quec-chose. Premier y dire avec son marmitte "Cuir Vider" Zotte sa marmitte y cuir y vider jusqu'a qui tous

dimonde tine assez manger. Mais present oui sa fille ti encolere, alors garcon y mette son p'tit boite a terre et y dire "Gros fourmis jouer p'tit fourmis danser" zotte ti faudrait voir sa bande p'tit fourmis cotte pe danser lo sa estique dans palais le roi et bande qui ti la tia pe rier. Pour premier fois son fille ti fair un sourire, et pas besoin dire qui ca garcon ti content pour voir sa fille sourire. Alors ca garcon y ammasse son boite et y pose son baguette a terre et y dire "Mon sa bougue emarer mon rotain fraiter". Zotte sa p'tit baguette ti commence battre tous sa bandes dimoune qui ti endans et le roi ti bien gagnant li aussi, la cour le roi ti trop p'tit pous zotte alle casiette, zotte ti besoin prend foret et un bande ti besoin troune cotte zotte pas ti vini. Zotte present quec-chose qui ti faire sa fille rier et content jusqu'a qui y ti pleurer, maniere y ti content. Alors sa garcon li remettre son rotain dans son place et y ti alle cotte le roi pour li marrier. Le roi ti commence matata avec garcon et y dire li qui y pas pour laisse li marrier avec son fille, sa garcon ti mettre son rotain a terre encore et y dire "Mon sa bougue emmarer, mon rotain fraiter" zotte le roi pas ti manquer sa jour et y ti besoin crier en disant "Oui ou vas marier, ou vas marier avec mon fille, mon garcon. Et garcon ti remettre son rotain dans son place. et son lendemain le roi ti faire mariage et ti donne la moitie son fortune sa garcon et en plus ti donne li pouvoir pour commande palais. Et garcon avec son fortune ti arrange la cage son maman ti faire un chateau, et apres zotte ti vivre bien ensemble cotte le roi.